

801 ipsum, tollat crucem suam et sequatur me'. 'Ego sum lux mundi; qui sequitur me, Ioh. 8, 12. non ambulat in tenebris, sed habebit lumen vitae'? 'Ego sum via, veritas et vita'. ib. 14, 6. His testimoniis roboratus intrepido pede curre post Christum, ut eius misericordiam merearis habere in aeternum.

Scio diem adpropinquasse meum; et gaudeo te superstitem habere. Tu vero de anima mea age, sicut fidelis filius de patre.

Et sicut Cúculo¹ praecepi tuae dicere beatitudini, factum habeo²; miserante Deo, Matth. 11, 29. in Christo quietus vivere desiderans, qui ait: 'Discite a me, quia mitis sum et humilis corde, et invenietis requiem animabus vestris'.

Summa Dei gratia te comitetur in omni via tua, defendat, regat et gubernet, 10 fili mi, fili dilectissime.

233.

Alvinus Calvino presbytero et monacho S. Stephani et Cuculo scribit, commoneant Eanbaldum II archiepiscopum Eboracensem, ab Eardulfo rege Northanhumborum infestatum, ne animo deficiat, ne alienas possessiones appetat, ne nimis multos milites alat. Se munus abbatis deposuisse. 801. 15

Cod. H fol. 61—61'.

Edd. F 175, J 174. — Migne col. 347.

ALBINUS CALVINO³ ET CUCULO CARISSIMIS FILIIS SALUTEM.

Audivi tribulationes carissimi filii nostri Simeonis⁴. Vos vero exortamini eum, ut fideliter faciat et non pusillanimis^a sit in temptationibus. Talia solebant antecessores sui pati; non solum illi, verum etiam omnes sancti. Iohannes baptista pro veritatis testificatione occisus legitur. Studeat, ne in se sit alia causa temptationis, nisi veritatis praedicatio.

Timeo, ne propter possessiones terrarum vel etiam susceptiones inimicorum regis⁵ aliqua patiat^b. Sufficiant^c sua sibi; non appetat aliena, quae in periculum saepe habentibus eveniunt⁶. Dum paucis prodesse^d se putat, multis obest, pro quibus intercedere est cotidie; vel gregi^e, quem regere debet, noceat.

Et quid ei in comitatu suo tantus numerus militum? De misericordiae causa eos habere videtur. Nocet monasterialibus, qui eum cum suis suscipiunt. Plures, sicut audio, multo habet, quam antecessores sui habuerunt. Item et illi⁷ gregarios, id est ignobiles milites, plurius habent, quam deceat, sub se. Magister noster⁸ neminem dimisit ex suis satellitibus^g plus habere nisi unum; praeter rectoribus familiae suae, id est duobus tantum. Inprudens est misericordia paucis prodesse^h et illis forte reis, et multis nocuisseⁱ et illis etiam bonis. Non me accuset talia suggerenti, sed se emendet talia facientem^k. 35

Nos vero, sicut dixi Cuculo⁹, deposito onere pastoralis curae, quieti sedemus apud Sanctum Martinum; spectans, quando vox veniat: 'Aperi pulsanti, sequere iubentem, exaudi iudicantem'. Sancta sollicitudo vestra adiuvet, ut diem illum donante

233. a) pusillanimi H. b) pacietur H. c) sufficiens H. d) prodisse H. e) grege H. g) satellibus H. h) prodisse H. i) nocuisset H. k) facienti H. 40

1) Cf. ep. 226 supra p. 370: De infirmitate mea vobis praefatus ales (*Cuculus*) dicere potuit.
2) i. e. se deposuisse onus pastoralis curae; v. infra lin. 36. 3) presbytero et monacho S. Stephani; v. supra p. 347 lin. 18. 4) Eanbaldi II archiepiscopi Eboracensis. 5) Eardulfi regis Northanhumborum, cf. supra p. 377 n. 5. 6) Cf. supra p. 348 n. 1. 7) milites illi. 8) Aelberhtus archiepiscopus Eboracensis (767—778). Cf. ep. 114 supra p. 167: magister meus dilectus Aelberhtus archiepiscopus. 45
9) Cf. ep. anteced. supra l. 7: et sicut Cuculo praecepi tuae dicere beatitudini.